

Broj: 3092-4/20
Sarajevo, 30.03.2020.godine

Na osnovu člana 64. stav 1. tačka b. i člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“ broj 39/14), člana 7. Pravilnika o postupku direktnog sporazuma („Službeni glasnik BiH“ broj 90/14), člana 4. Pravilnika po postupku direktnog sporazuma Javne ustanove Opća bolnica „Prim. dr. Abdulah Nakaš“ i člana 27. Statuta Javne ustanove Opća bolnica „Prim. dr. Abdulah Nakaš“, direktor donosi

O D L U K U **O IZBORU NAJPOVOLJNIJEG PONUĐAČA**

Član 1.

Na osnovu ponude dostavljene po zahtjevu za nabavku roba: PVC posuđe (zdjele, kašike, viljuške, tacne, noževi i boca PVC sa poklopcem 3 lit.) za potrebe pacijenata sa sumnjom na korona virusom (JRJN: 39222110-8), za najpovoljnijeg ponuđača u predmetnom postupku za nabavku roba: PVC posuđe (zdjele, kašike, viljuške, tacne, noževi i boca PVC sa poklopcem 3 lit.) za potrebe pacijenata sa sumnjom na korona virusom odabran je ponuđač ALPER GROUP d.o.o. Sarajevo sa ponudenom cijenom od 3.057,18 KM bez PDV-a, odnosno 3.576,90 KM sa PDV-om

Član 2.

Sa ponuđačem iz člana 1. ove Odluke će se zaključiti ugovor, iz razloga što je vrijednost nabavke (bez PDV-a) veća od 1.000,00 KM

Član 3.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba).

Član 4.

Za izvršenje ove Odluke zadužuju se Odsjek za pripremu i distribuciju hrane i Odjeljenje za ekonomsko-finansijske poslove.

Član 5.

Odluka stupa na snagu danom donošenja.

O b r a z l o ž e n j e

Javna ustanova Opća bolnica „Prim. dr. Abdulah Nakaš“ donijela je Odluku o pokretanju postupka putem direktnog sporazuma broj: 3092-3/20 od 30.03.2020 godine za nabavku roba: PVC posude (zdjele, kašike, viljuške, tacne, noževi i boca PVC sa poklopcem 3 lit.) za potrebe pacijenata sa sumnjom na korona virusom. Procijenjena vrijednost iznosila je 3.057,18 KM bez uračunatog PDV-a.

Ponude broj: 43/20 od 19.03.2020 godine i 44/20 od 19.03.2020. godine, ponuđača ALPER GROUP d.o.o. Sarajevo dostavljene su dana 19.03.2020 godine na zahtjev Ugovornog Organa.

Povodom aktuelnih dešavanja u Bosni i Hercegovini u vezi sa koronavirusom (COVID-19) i službenim proglašenjem pandemije od strane Svjetske zdravstvene organizacije od 11.03.2020. godine, te Odluke o proglašenju stanja prirodne ili druge nesreće na teritoriji Bosne i Hercegovine od strane Vijeća ministara BiH od 17.03.2020. godine, Odluke o proglašenju stanja nesreće zbog koronavirusa na području Federacije BiH od strane Vlade Federacije BiH od 16.03.2020. godine i Odluke o proglašenju vanredne situacije u Republici Srpskoj od strane Vlade Republike Srpske od 16.03.2020. godine, kao i okolnosti koje iz toga proizilaze kao što su ograničenje kretanja, izbjegavanje većih javnih okupljanja, zatvaranje granica BiH i slično, te specifične dinamike rada ugovornog organa koje opisane okolnosti nalažu, tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje se nisu mogle predvidjeti u vrijeme donošenja Plana nabavki za 2020.godinu.

U skladu sa Naredbom Kriznog štaba Ministarstva zdravstva Kantona Sarajevo od 09.03.2020. godine zbog promjene epidemiološke situacije u svijetu, Evropskom regionu i Bosni i Hercegovini (sumnja na oboljenje od Coronavirusa) Javnoj ustanovi Opća bolnica „Prim. dr. Abdulah Nakaš“ naloženo je da shodno raspoloživim bolničkim posteljnim kapacitetima hitno napravi preraspodjelu posteljnih kapaciteta kako bi se omogućilo zbrinjavanje većeg broja oboljelih u bolničkim zdravstvenim ustanovama na području Kantona.


Nadalje, kako se radi o Pandemiji koronavirusa koju je proglasila Svjetska zdravstvena organizacija 11.03.2020. godine, navedeni događaj se nije mogao predvidjeti i ne mogu se ispoštovati minimalni rokovi predviđeni u redovnim postupcima.

Predmetne nabavke se vrše zbog krajnje hitnosti kako bi se spriječila ili ublažila epidemija kod pacijenata sa sumnjom na oboljenje od koronavirusa i kod pacijenata sa pozitivnim nalazom na koronavirus.

Navedeni događaj je izvan kontrole Opće bolnice kao ugovornog organa, a zbog navedenog događaja zahtjeva se hitna nabavka radi sprečavanja ili ublažavanja širenja pandemije koronavirusa i spašavanja ljudskih života (Zakon o zaštiti stanovništva od zaraznih bolesti u BiH, Zakon o zaštiti i spašavanju ljudi i materijalnih dobara u BiH od prirodnih i drugih nesreća, i sl.).

Bitno je napomenuti da bi primjena redovnog postupka javne nabavke, odnosno vrijeme potrebno za provođenje istog, prouzrokovalo izuzetno negativne posljedice, te da je Javna ustanova Opća bolnica „Prim. dr. Abdulah Nakaš“ upravo na osnovu takve procjene postupila i preduzela radnje odmah.

POUKA O PRAVNOM LIJEKU: Protiv ove Odluke ponuđači nemaju pravo žalbe shodno odredbama člana 101. Zakona o javnim nabavkama („Službeni glasnik BiH“ broj 39/14), obzirom da je Odluka donijeta u postupku direktnog sporazuma.



DIREKTOR
Zlatko Kravić
Prim. dr. Zlatko Kravić

DOSTAVITI:

- Ponudaču
- Odsjek za pripremu i distribuciju hrane
- Odjeljenje za ekonomsko-finansijske poslove
- Odsjek za javne nabavke
- a/a

AS
B